



2024 წლის II კვარტლის ეკონომიკური ზრდის ტემპის პროგნოზი

საქართველოს პარლამენტის
საბიუჯეტო ოფისი


2024

მაისი

პარლამენტის საბიუჯეტო ოფისის შეფასებით, 2024 წლის II კვარტალში რეალური მშპ-ის ზრდის ტემპი დადებითი იქნება და 7.6% დაფიქსირდება.

პარლამენტის საბიუჯეტო ოფისის შეფასებით, 2024 წლის II კვარტალში რეალური მშპ-ის ზრდის ტემპი დადებითი იქნება და 7.6% დაფიქსირდება. მშპ-ის მოსალოდნელი ზრდა 2024 წლის მეორე კვარტალში განპირობებულია კოვიდ პანდემიის შემდგომ დაწყებული გაუმჯობესებული ეკონომიკური მდგომარეობის შენარჩუნებით. მიუხედავად იმისა, რომ 2023 წლის მეორე კვარტალში ეკონომიკის ზრდის საბაზისო ეფექტი მაღალი იყო (2023 წლის მეორე კვარტალში ეკონომიკა გაიზარდა 8.1%-ით), ეკონომიკური მდგომარეობის გაუმჯობესება კვლავ გრძელდება. უნდა აღინიშნოს, რომ ეკონომიკის ზრდის მაღალი ტემპი შენარჩუნდა 2024 წლის I კვარტალში. კერძოდ, სტატისტიკის ეროვნული სამსახურის წინასწარი მონაცემებით 2024 წლის I კვარტალში საშუალო რეალური ზრდა 7.8%-ით განისაზღვრა, რაც მეტია პარლამენტის საბიუჯეტო ოფისის პირველი კვარტლის პროგნოზზე (7.2%)¹. საბიუჯეტო ოფისის 2024 წლის მეორე კვარტლის ეკონომიკური ზრდის პროგნოზი ემყარება დაშვებებს, რომ 2023 წლის მეორე კვარტალთან შედარებით:


- ტურიზმის მოცულობა დაახლოებით 1.1-ჯერ გაიზრდება (2019 წლის მეორე კვარტლის პანდემიამდელ მაჩვენებელთან შედარებით დაახლოებით 1.2-ჯერ ნაკლები). ამავე დროს გაიზრდება ქვეყნიდან გასული ვიზიტორების რიცხოვნობაც.
- ტურიზმის ექსპორტის მნიშვნელოვან ზრდასთან ერთად კვლავ შენარჩუნდება შიდა ტურიზმის აქტივობა.
- გაიზრდება როგორც კერძო მოხმარების, აგრეთვე ინვესტიციების მოცულობა, რაც განპირობებს მთლიანი მოხმარების და ინვესტიციების ზრდას, შესაბამისად, ეკონომიკური აქტივობის აღნიშნულ დადებით ტემპს.
- მომსახურებით ვაჭრობის ზრდის პარალელურად, მოსალოდნელია საქონლით ვაჭრობის ზრდაც.
- მთავრობის საინვესტიციო აქტივობების კლებასთან ერთად, გაზრდილი მოხმარების და კერძო ინვესტიციების პარალელურად მოსალოდნელია, რომ მცირედით გაიზრდება საქონლის იმპორტის რაოდენობა, თუმცა საქონლით ექსპორტი მცირედით დაიკლებს.




*პროგნოზის ინტერვალი აღნიშნავს დიაპაზონს, რომელშიც მშპ-ის ზრდის ტემპი იქნება მოცემული. ინტერვალის შეფასება მიღებულია ცენტრალური პროგნოზისა და გასული წლების კვარტალური ეკონომიკური ზრდებიდან ±0.5 სტანდარტული გადახრის ჯამით.

1. www.pbo.parliament.ge

აღნიშნული დაშვებების რაოდენობრივი შეფასების შედეგად მოსალოდნელია, რომ 2024 წლის მეორე კვარტალში იმპორტის მოცულობა უფრო მეტად გაიზრდება და წმინდა ექსპორტის კომპონენტი 2.9%-ული პუნქტით განსაზღვრავს ეკონომიკური აქტივობის ცვლილებას, ხოლო აბსორბციის (მოხმარების და ინვესტიციების ჯამი) კომპონენტი მნიშვნელოვნად გაიზრდება და მშპ-ის ცვლილებას 4.7%-ული პუნქტით განაპირობებს*. საბიუჯეტო ოფისის მიხედვით, 2024 წლის პირველი კვარტლის ეკონომიკური ზრდის შეფასებაში წმინდა ექსპორტი 1.8%-ული პუნქტით, ხოლო აბსორბციის კომპონენტი 6.1%-ული პუნქტით განისაზღვრა.




*2024 წლის II კვარტლის მშპ-ის ზრდის დეკომპოზიცია. საბიუჯეტო ოფისის შეფასება.



აღსანიშნავია, რომ 2020 წელს დაფიქსირებული მკვეთრი ეკონომიკური კლების შესაბამისად ქვეყნის ეკონომიკა პოტენციურ დონეს ჩამორჩებოდა და შესაბამისად რეალური მთლიანი შიდა პროდუქტის უარყოფითი გაბი ფიქსირდებოდა. თუმცა, 2021 წლის მეორე კვარტალში დაფიქსირებულმა მაღალმა ეკონომიკურმა აქტივობამ ეკონომიკური ზრდის პოტენციურ დონეს გადააჭარბა და შესაბამისად, მშპ-ს დადებითი გაბი დაფიქსირდა. აღნიშნული ტრენდი შენარჩუნებულ იქნა მომდევნო წლებში და 2024 წლის I კვარტალშიც. საბიუჯეტო ოფისის პროგნოზით, ეკონომიკური ზრდის მაღალი ტემპი შენარჩუნდება 2024 წლის II კვარტალში და შესაბამისად, ეკონომიკური ზრდა მის პოტენციურ დონეს გადააჭარბებს, ანუ მშპ-ს გაბი დადებითი იქნება.

2024 წლის I კვარტალში წლიური ინფლაციის საშუალო მაჩვენებელმა 0.3% შეადგინა, ანუ მიზნობრივი ინფლაციის 3.0%-იან მაჩვენებელზე ნაკლები.

აღსანიშნავია, რომ 2022 წელს დაფიქსირებული საშუალო წლიური ინფლაციის მკვეთრი ზრდის (11.9%) შემდეგ, 2023 წლიდან აღნიშნული მაჩვენებლის კლება ფიქსირდება. სამომხმარებლო ფასების ინფლაცია მნიშვნელოვნად შემცირდა 2023 წლის მეორე კვარტლიდან (1.6%), რაც ძირითადად მსოფლიო ბაზარზე ნავთობსა და სურსათზე ფასების კლებით იქნა გამოწვეული. აღნიშნული შემცირების ტენდენცია გრძელდება, რის საპასუხოდაც საქართველოს ეროვნული ბანკი ეტაპობრივად ახდენს მონეტარული პოლიტიკის განაკვეთის შემცირებას. 2024 წლის 31 იანვრის გადანყვეტილებით მონეტარული პოლიტიკის განაკვეთი 0.5 პპ-ით შემცირდა, 13 მარტს - 0.75 პპ-ით, ხოლო 22 მაისს - 0.25 პპ-ით და 8.0% შეადგინა, რამაც საბიუჯეტო ოფისის შეფასებით, ხელი უნდა შეუწყოს ეკონომიკური აქტივობის ზრდას. აღნიშნული ფაქტორი გავლენას იქონიებს ინფლაციის მაჩვენებელზე, კერძოდ ზრდის მიმართულებით.



დამატებითი ინფორმაცია:

[წლიური მაკროეკონომიკური პროგნოზები](#)
[განმარტება მაკროეკონომიკური პროგნოზების მოდელის შესახებ](#)



2024

მაისი